

**Siumoortumik nalunaarsuineq, nammineerluni nalunaarsuineq aamma akileraarutit isumannaarneqarnerat pillugit Namminersornerullutik Oqartussat nalunaarutaat nr. 25, 1. december 2006-imeersoq Atuussimasoq (Historisk)**

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi § 13, imm. 7 aamma 8, § 14, imm. 1, § 15, imm. 2, § 28, § 42, imm. 2, § 45, imm. 3, aamma § 83, kiisalu aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 83, imm. 2 naapertorlugit aalajangersarneqarput:

**Kapitali 1**

Siumoortumik nalunaarsuineq, § 15 naapertorlugu utertitsinerit aamma nammineerluni nalunaaruteqarneq

Nalinginnaasumik siumoortumik nalunaarsuineq

§ 1. Akileraaruseriffiup ukioq isertitaqarfiusoq sioqqullugu 1. septemberiutinnagu siumoortumik nalunaarsuinermit atugassanik immersugassanik ilitsersuutinillu sanassaaq.

§ 2. Nalinginnaasumik siumoortumik nalunaarsuinermit naatsorsuutigineqassagaanni, immersukkat allanillu paasissutissiissutaasinnaasut akileraaruseriffimmi tiguneqareersimassapput kingusinnerpaamik ukioq isertitaqarfiusoq sioqqullugu 1. november nallertinnagu. Immersukkat paasissutissiissutaasinnaasullu allat akileraaruseriffimmut digitalinngorlugit nassiunneqarsinnaapput

Imm. 2. Kingusinnerpaamik oktoberip qiteqqunnerani akileraasuseriffik naqitatigut elektronikkilu atorlugu nuna tamakkerlugu saqqummersartutigit imm. 1-imi piffissaliussaq pillugu tamanut ammasumik nalunaaruteqassaaq.

§ 3. Akileraartussaataasut akileraaruserinermik ingerlatsineq pillugu Inatsisartut inatsisaanni § 13, imm. 6-imi pineqartut, Kalaallit Nunaanni akileraartussaalerminniit ullut 14-init qaangiutsinnagit isertitassatut naatsorsuutigisatik pillugit nassuiaateqassapput.

*Skattekortit aamma akileraarutissanut allagartat*

§ 4. Akileraaruseriffik skattekortimik akileraarutissallu allagartaannik sanassaaq taakkulu akileraartussaasumut nassiullugit, takukkilli imm. 2 aamma 3.

Imm. 2. Akileraarutininik A-nik unerartitsisussaataasup 1. december nallertinnagu akileraartussaataasumut unerartitsisussaasumi sulisumut skattekortimik piniarsinnaavoq, unerartitsisussaataasup ukiumi aningaasarsiorfiusumi tulluuttumi akileraartussaasumut akissarsitsinissani naatsorsuutigiguniuk.

Imm. 3. Akileraaruseriffiup skattekortu unerartitsisussaataitaasumut tunniukkuniuk tamanna pillugu akileraaruseriffiup akileraartussaataitaasoq ilisimatissavaa.

**§ 5.** Tamakkiisumik akileraartussaataitaasumut inaarutaasumik naatsorsuineq ukiup isertitaqarfiusup tulliani 1. oktober sioqqullugu naammassineqarpat, akileraarutissat sinnerisa ilai tapiliussa q ilanngullugu 18.000 koruunit qaangernagit annertussusillit, akileraaruseriffiup erseqqinnerusumik aalajangiinera malillugu ukiumi tullermi akiliutissat ilassaattut, akileraarutiniq A-mik B-millu ukiumi tassani amerlanerusunik akileeqqusineqassappat matussutissatut nuunneqassapput. Aappariinnut ataatsimut akileraartussaataitanut tamatumani aningaasat 36.000 koruuniupput. Akileraarutit ukiumut akileraarutissat sinnerinik nuutsiviusumit akileqquneqartut siullermik akileraarutissat sinnerinut nuunneqartunut matusissutissanut ilaasutut isigineqarput.

Imm. 2. Imm. 1 naapertorlugu akileeqqusineq akileraartussaataitaasup ilanngaataanik annikilliliinikkut pissaaq naatsorsueriaaseq imaattoq malillugu: Akileraartussaataitaasup ilanngaataanut ilanngaatilugulu (akileraarutissat sinneri nuunneqartut akileraarummut procentimik agguarlugit 100-millu gangiilluni). Aappariinnut ataatsimoortumik akileraartunut akileraarutissat sinneri nuunneqartut aappariinnut ilanngaatiq avinneqarneranut naapertuuttumik aappariinnut avinneqassapput. Skattekortimi allassimasumik ilanngaatissaq minusimut naatsorsorneqarsimappat, 0-umut inissinneqassaaq.

Imm. 3. Aningaasat imm. 1-ip pereerneratigut sinneruttuusinnaasut akileraaruserinermik ingerlatsineq pillugu Inatsisartut inatsisaanni § 24, imm. 3-mi malittarisassat malillugit akiligassanngussapput. Aamma tamanna atuuppoq akileraarutissat sinneri ukiumi tulliuuttumi akileraarutaagallartunit unerartinneqarsinnaasorinanngippata.

Imm. 4. Akileraarutissat sinneri aningaasanut ukiumi akileraaruseriffiusumi 1. oktoberimi naatsorsukkanut 6 procentimik taperlugit ilanngunneqassapput. Akileraarutissat sinneri imm. 1 malillugu nuunneqartut erniaannik akiliisitsineqassanngilaq.

Imm. 5. Akileraartussaataitaasup inaarutaasumik naatsorsuunnera ukiup isertitaqarfiusup tulliani 30. septemberip kingornatigut naatsorsorneqarpat akileraarutissat sinnerisa ilaanik ukiumut tulliuuttumut nuussineqassanngilaq.

Imm. 6. Aningaasat imm. 2 aamma 4 malillugu pinngortut koruunimut ilivitsumut qaninnerpaamut apparneqassapput.

**§ 6.** Aningaasat § 5, imm. 1-imi pineqartut 18.000 koruunit 36.000 koruunillu akileraarutissat sinnerinut matusissutitut tamakkiisumik atorneqanngippata, aningaasat sinnerinut akileraaruseriffiup erseqqinnerusumik aalajangiinera malillugu ukiumi isertitsiviusumi siusinnerusumi akileraarutiniq akiligassanut kinguaattoorutiniq tapit ilanngullugit akiligassanngorsimasunik, nuussineqarsinnaavoq. Isertitanit akileraarutit, akitsuutinut, tapinut, akiliutinut ernianullu akileraaruseriffimmit ingerlanneqartunut tunngasut akileraarutiniq akiligassanut kinguaattoorutiniq ilaapput. Akiligassanut kinguaattoorutit taagorneqartut matunneqassapput kinguaattoorutit nutaannginnerit siulliullugit taavalu matussusigaanissamut oqaatigineqartutut tullerriaarlugit. Akiligassanut kinguaattoorutit naatsorsuutigineqartut akileraarutissat sinnerinut ilanngunneqartunit kingulliullutik, ukiumili isertitsiviusumi pineqartumi A-mik akileraarutiniq siulliullutik matussutissinneqassapput.

Imm. 2. Akiligassanut kinguaattoorutit ukiumi pineqartumi 1. oktober naatsorsorneqarsimanermittut naatsorsuutigineqassapput. Taakkunungalugu ilanngutissaaq landskarsimut nakkartussamik kinguaattoorutit - tapit, akiliutit erniallugu ilanngunngit - 6 procentiannik tapeq. Akiligassat

koruunimut ilivitsumut qaninnerpaamut apparneqassapput.

Imm. 3. Akileraarutininik akiligassanut kinguaattoorutit imm. 1 malillugu nuunneqartut erniaannik akiliisitsineqassanngilaq.

Imm. 4. Akileraartussaataitaasup siumoortumik nalunaarsuina kingusinnerusukku allangortinneqarpat, akiligassanut kinguaattoorutit naatsorsuutigineqartut skattekortimi unerartinneqarsinnaajunnaarlugit, akiligassanut kinguaattoorutit utertinneqassapput.

Imm. 5. Akiligassanut kinguaattoorutit naatsorsuutigineqartut ukiumi isertitsiviusumi akileraarutaagallartunit A-nit matuneqarsinnaanngitsortai utertinneqassapput, ernianillu naatsorsuineq ukiumi isertitsiviusumi 1. januaarimiit ingerlanneqaqqilissaaq, akiligassanillu ki-nguaattoorutit utertinneqartunut tunngasumik 6 procentimik tapeq atorunnaarluni.

§ 7. Akileraaruseriffiup § 5, imm. 1, imaluunniit § 6, imm. 1 naapertorlugit aningaasanik nuussingissinnaavoq, imaluunniit aningaasat ikinnerusut nuunnissaat aalajangersinnaallugu, akileraaruseriffiup naatsorsuutigippagu, akileraartussaataitaasup akileraartussaataitaasullu illumi inoqutaasa naammaannartumik angerlarsimaffeqarnissamut naammaannartumillu inuuniarnermut naammattunik akissaarunnerannik nuussineq kinguneqartitsissappat.

§ 8. Akileraartussaataitaasoq tamakkiisumik akileraartussaajunnaarpat, akileraarutit sinneri § 5, imm. 1 malillugu nuutat, aammalu § 6, imm. 1 malillugu akileraarutininik akiligassanik ki-nguaattoorutit pingasunngorlugit avillugit naafferartumik akiligassanngussapput, akiligassat siulliit qaammaammi akileraartussaanerup taamaatiffigisaata tulliusup ulluisa siullianni tamatumalu kingornatigut qaammatit tulliuuttut marluk ulluisa siullersaanni, piffissaagallartillugu akiliiffiussalluni qaammatip akiliiffiusussap ulluisa 20-at. Piffissaagallartillugu akiliiffissaq ulloq sapaataappat nalliuttuuppat arfininngorneruppalluunniit, piffissaliussaq ulluinnarmut tulliuuttumut sivitsorneqassaaq.

§ 9. Aningaasat § 5, imm. 1 malillugu 18.000 koruunit 36.000 koruunillu tamakkerlugit atorneqanngippata, skattekortimi ilanngaattissat sinneri sapinngisamik tamaasa aningaasarsianut B-nut ilanngaatigineqassapput, skattekortimi ilanngaattissamik annikillissamik ilanngaattissillugu ilanngaattissalinngilluinarluguluunniit sananeqartussanngorlugu.

Imm. 2. Akileraarutit B-t naatsorsorneqarneranni aningaasarsianik B-nik isertitat sinneri 100-mik agguarneqarsinnaasunut koruuninut qaninnerpaanut appartinneqassapput.

Imm. 3. Akileraarutissat B-t 100 koruunit sinnersimappatigut, akileraarutissanut allagartakkut akilersinneqassapput.

#### *§ 15 naapertorlugu utertitsinerit*

§ 10. Isertitanit akileraarutininik amerlanaarlugit akilikkanik akileraaruserinermik ingerlatsineq pillugu Inatsisartut inatsisaanni § 15, imm. 1 naapertorlugu utertitsinissamik qinnuteqaat allakkatigut akileraaruseriffimmut tunniunneqassaaq.

Imm. 2. Utertitsinissamik qinnuteqaatip akuerineqarsinnaaneranut tunngavissaatinneqarpoq akileraartussaataitaasup nammineerluni nalunaarsuineq, naatsorsuutit, akissarsianut allagartat assigisaalluunniit atorlugit ilimanarsisissagaa, akileraartussaataitaasup akileraarutaagallartunik akiliivallaarsimanera taamaattumillu ilimagisariaqartoq angissusiliinerup naammassineqarnerani

akileraarutinit utertertoortunik tunineqartariaqarnissani.

*Nalikilliliissuteqarnermi allattuiffik*

§ 11. Akileraartussaataitaasoq ingerlatsinermut naatsorsuutunik akileraaruserinermik ingerlatsineq pillugu Inatsisartut inatsisaanni § 17, imm. 3 aamma § 18, imm. 1 naapertorlugit akileraaruseriffimmut nassitsisussaangitsoq, akileraarutitigulli nalikilliliissuteqarsinnaasoq, akileraaruseriffiup nalikilliliissuteqarnermi allattuiffissiaanik atuissaaq.

*Imm. 2.* Akileraaruseriffiup qinnuteqarnek tunngavigalugu imm. 1 malillugu pisussaaaffeqarnek atorunnaarsissinnaavaa.

**Kapitali 2**

Akileraarutunik isumannaarineq

*Kommunimut akileraarut aamma nunamut tamarmut akileraarut immikkut ittoq*

§ 12. Kingusinnerpaamik qaammatip sukumiisumik nalunaarummik nassiusiviusup tulliata naanerani akileraaruseriffik kommuninut allanut akileraarutit A-t sukumiisumik nalunaarutip annertussusai naapertorlugit taakkuninnga pisassaqaartuusunut isumannaarigallassaaq.

§ 13. Akissarsiat allagartat malillugit akileraarutunik A-nik kommunip akileraarfiusup pisassarisaanik inaarutaasumik isumannaarineq pissaaq ukiup isertitaqarfiusup naanerata kingorna 1. april nallertinnagu. Akissarsiat allagartat 1. martsip kingornatigut takkuttunut tunngatillugu inaarutaasumik isumannaarineq pissaaq kingusinnerpaamik qaammatip akissarsiat allagartaasa tiguneqarfiisa naanerani.

*Nunamut tamarmut akileraarut aamma kommuninut ataatsimut akileraarut*

§ 14. Akileraarutinit akilerneqartunit nunamut tamarmut akileraarutip aamma kommuninut ataatsimut akileraarutip ukiumut isertitaqarfiusumut pineqartumut nunamut tamarmut akileraarutinit, kommuninut ataatsimut akileraarutinit kommunimullu akileraarummut akileraarutissiissutaasut annertussusii naapertorlugit naatsorsorneqassapput.

*Piginneqatigiiffiit akileraarutaat*

§ 15. Akileraaruseriffiup piginneqatigiiffiit akileraarutaasa kommimut akileraarfiusumut agguagassartaanik kommunimut akileraarfiusumut isumannaarinninnera kingusinnerpaamik ukiup isertitaqarfiusup tulliata naanerani pissaaq.

*Imm. 2.* Piginneqatigiiffiit akileraarutaasa imm. 1 malillugu kommunimut akileraarfiusumut agguagassartai ukiumut pineqartumut nunamut tamarmut akileraarutip, kommuninut ataatsimut akileraarutip aamma kommunit akileraarutaasa agguarneqarnerisa annertussusaannut,

akileraaruserinermik ingerlatsineq pillugu Inatsisartut inatsisaanni § 40, imm. 7 naapertorlugu, akileraarutinit akileraarutissiissutaasut annertussusii naapertorlugit naatsorsorneqassapput.

### *Iluanaarutisianit akileraarut*

**§ 16.** Qaammatip atuuttuusup siuliani iluanaarutisianit akileraarutinit akiliutit kommuninut allanut agguagassartaanik kommuninut pisassalinnut taakkununga isumannaarigallarneq akileraaruseriffiup suliarissavaa kingusinnerpaamik qaammatip naanerani.

*Imm. 2.* Januaarip naanerani, qaammatini aqqaneq marlunni siuliini iluanaarutisianit akileraarutininik akilerneqarsimasut kommunimut akileraarfiusumut agguagassartaanik inaarutaasumik isumannaarineq akileraaruseriffiup suliarissavaa.

*Imm. 3.* Iluanaarutisianit akileraarutinit imm. 1 malillugu kommuninut akileraarfiusunut isumannaarneqartussat, nunamut tamarmut akileraarutip, kommuninut ataatsimut akileraarutip aamma kommunimut akileraarutip ukiup siuliani akileraarutissiissutaasut annertussusii naapertorlugit naatsorsorneqassapput.

### *Akileraarutit A-nit annaasanik agguaaaneq*

**§ 17.** Unerartitsisussaataasut akileraarutininik A-nik akilinngitsuugaqarnerisigut pinngortunik annaasat landskarsip nammatassarai.

*Imm. 2.* Unerartitsisussaataasup akileraarutininik A-nik akiliinngitsoorneratigut annaasat 50.000 koruuniuppata amerlaneruppataluunniit, akileraaruseriffiullu atattuinnartumik akiliisitsiniarnermik aallartitsinermigut, akiliisitsiniarnermut tunniussinikkut, akiliisinnaajunnaartutut suliaasiissuteqarnikkut il.il. annaasaqaatit siusinnerusukkut killilersimaarniaraluarsimappagit, unerartitsisussaataasup akileraarfittut kommuniata annaasaqaatit ilaannit kommunimut akileraarutip aamma kommuninut ataatsimut akileraarutininik annaasaqaatit aamma nammatassarivai.

*Imm. 3.* Annaasanik imm. 2 malillugu agguaaaneq taamaallaat pisinnaavoq pisassarisat pisoqalivallaarnerinut malittarisassanik, eqqartuussivimmi suliami sunniuteqanngitsoornermik, akiligassaqaarfiup allap pinngitsaaliinikkut akiligassaqaarfinnik tulleriiaarisitsineranik, piginneqatigiiffiit akiliisinnaajunnaarlutik atorunnaarnerannik, toqukkut qimaguttup pigisanik qimataanik suliaqarnermi akiitsunik kingornussiumanngittoqarneratigut assigisaanilluunniit patsiseqartumik akileraaruseriffik pisassarisanik taamaatitsiinnarsimatillugu. Taamatuttaaq pisassarisat akilerneqarsinnaanngitsutut ilimaginneqarnerat pissutigalugu taamaatiinnakkanut tamanna atuuppoq.

**§ 18.** Annaasanik § 17, imm. 2 malillugu agguaanerit nunamut tamarmut akileraarut, kommuninut ataatsimut akileraarut aamma kommunimut akileraarutinit aalajangiussat ukiumut isertitsiviusumut akileraarutit attumassuteqarfigisaanni annertussusiligaanerit naapertorlugu naatsorsorneqassapput.

*Imm. 2.* Annaasaqaatinik agguaanermit kommunimut akileraarfiusumut agguaanneqartussanik inaarutaasumik isumannaarineqassaaq ukiup isertitaqaarfiusup annaasaqaatinik inaarutaasumik paasinniffiusup naanerani.

**§ 19.** Akileraaruseriffik ukiup affaata ingerlareernerini unerartitsisussaataasup akileraarutininik A-nik

isumannaarinninnginnera pillugu kommunimut akileraarfiusumut nalunaarutiginnittassaaq, unerartitsisussaataitasut ataasiakkaat akiligassanut kinguaattoorutaat 50.000 koruuniuppata amerlanerullutilluunniit, piffissaagallartillugulu akiliiffissaaq qaammatit pingasut sinnerlugit qaangerneqarsimappat.

Imm. 2. Nalunaarutiginninnerit 30. juni aamma 31. december suliarineqartut kommunimut akileraarfiusumut anngutereersimassapput kingusinnerpaamik ukiup affaata qaammataata kingulliup malitsigalugu qaammatip tulliaata naanerani.

Imm. 3. Nalunaarutiginninneq aamma akileraaruseriffiup akiliisitsiniarnermi qulakkeerinninniarnermilu iliuuserisimasaanik, aammalu akiliisitsiniarnerup atattuinnartumik atuutsinneqarnissaanik peqqussutaasimasinnaasunik naatsumik allaaserinninnermik imaqassaaq.

**§ 20.** Akileraaruseriffiup ukiup naanerani unerartitsisussaataitasut akileraarutininik A-nik akiliuteqannginnerannik patsiseqartunik ukiumi annaasaqaatinik 50.000,- koruuninik amerlanerusunilluunniit aningaasartaqartunik akiligassat ilaannik peersinikkut taamaatiinnakkat pillugit kommuni akileraarfiusoq ilisimatitsissuteqarfigissavaa. Nalunaarutiginninneq akiligassat ilaannik taamaatitsiinnarnermut tunngaviusut pillugit paasisutissiisummik tamatumunngalu uppersaatinik ilaqartinneqartumik imaqassaaq.

Imm. 2. Annaasaqaatinik akilerneqarsinnaannginnerannik ilimasunneq tunngavigalugu akiligassat ilaannik taamatitsiinnarnermi kommunip akuersissutaa, kommunip akileraarfiusup ukiup naanerani annaasaqaatinik nammatassaanik nuussivigineqannginnerani, pissarsiarineqarsimassaaq. Kommunip akileraarfiusup annaasaqaatinut akuersissutaanik qinnutiginninnermi, akileraaruseriviup kommunimut akileraarfiusumut annaasaqaatit amerlassusii unerartitsisussaataitasullu aningaasaqarnikkut pissutsit atugarisai paasisitsissutigissavai.

Imm. 3. Kommunip akileraarfiusup akiligassanut akilerneqarsinnaannginnerannik ilimasunneq pissutigalugu akiligassat ilaasa taamaatitsiinnarnikkut annaasaqaatit akuersissutigippagit, akileraaruseriffik kingusinnerpaamik ukiup naatsorsuuseriviusup naanerata kingornatigut ukiut tamaasa kommunimut ukiup naatsorsuuseriviusup ingerlanerani pisassarisanut taamatut taamaatiinnakkanut akiliineqarsimaneranut nalunaajaammik tunniussisassaaq. Tamatumunngalu peqatigitillugu akileraaruseriffiup taamaatut pisassarisat sorliit ukiup naatsorsuuseriviusup ingerlanerani pisoqalisoornermut assigisaanullu malittarisassat kingunerisaannik atorunnaarsimanersut paasisitsissutigissavai.

Imm. 4. Kommunip akileraarfiusup akiligassanut akilerneqarsinnaannginnerannik ilimasunneq pissutigalugu taamaatitsiinnarnikkut annaasaqaatinik akuerinninnera atorunnaassaaq, kingusinnerusukkat paasinarsippat pisassarisat akilerneqarsinnaasut. Taamatut pisoqartillugu akileraaruseriffiup landskarsip tamatumunnga atatillugu kommunimit akileraarfisumit aningaasat pissarsiarisimasai piaartumik taarsissavai.

*Akileraarutit sinnerinik aamma piginneqatigiiffiit akileraarutaannik annaasanik agguaneq*

**§ 21.** Akileraartussaataitasup akileraarutit sinnerinik akiliinnginneratigut aamma piginneqatigiiffiit akileraarutaannit pilersunik annaasaqaatit landskarsip nammatassarivai.

Imm. 2. Kommunilli akileraarfiusup annaasaqaatit kommunimut akileraarut aamma kommuninut

ataatsimut akileraarutinit tunngasortai aamma nammatarissavai, pisassarisat pisoqalivallaarnerinut malittarisassat, eqqartuussivimmi suliami sunniuteqanngitsoornermik, akiligassaqaqfiup allap pinngitsaaliinikkut akiligassaqaqfinnik tullerriaarisitsineranik, piginneqatigiiffiit akiliisinnaajunnaarlutik atorunnaarnerannik, toqukkut qimaguttup pigisanik qimataanik suliaqaqnermi akiitsunik patsiseqartumik, assigisaasaluunniit kinguerisaannik imaluunniit akilerneqarsinnaannginnerannik ilimasunnerup kingunerisaanik akileraaruseriffik pisassarisanik taamaatitsiinnarsimappat.

*Imm. 3.* Akileraarutissat sinnerinik annaasaqaqnermi kommuni akileraarfiusoq annaasaqaatit kommunimut akileraarut aamma kommuninut ataatsimut akileraarutinit tunngasortaanik aamma nammataqassaaq, pisassarisat akileraaruserinermik ingerlatsineq pillugu Inatsisartut inatsisaanni §§ 53-imiit 55-imut tunngavigalugit tamakkiisumik ilaannakortumilluunniit akiligassat ilaasa peernerisigut taamaatiinnarneqarsimappata.

**§ 22.** Akileraarutissat sinnerinik annaasaqaatinik § 21, imm. 2 aamma 3 naapertorlugit agguaaneq nunamut tamarmut akileraarutip aamma kommuninut ataatsimut akileraarutip, kommunimullu akileraarutinit ukiumi isertitsiviusumi akileraarutit attuumassuteqarfigisaanni akileraarutissiissutaasut annertussusii naapertorlugit naatsorsorneqassaaq.

*Imm. 2.* Piginneqatigiiffiit akileraarutaannik annaasaqaatinik § 21, imm. 2 naapertorlugu agguaaneq, nunamut tamarmut akileraarutip aamma kommuninut ataatsimut akileraarutip aamma kommunit akileraarutaasa agguaqatigiisinnerqarnerisa, kommunimullu akileraarummut pineqartumut akileraarutit attuumassuteqarfigisaanni, akileraaruserinermut ingerlatsineq pillugu Inatsisartut inatsisaanni § 40, imm. 7 naapertorlugu akileraarutissiissutaasut annertussusii naapertorlugit naatsorsorneqassaaq.

*Imm. 3.* Kommuni akileraarfiusup annaasaqaatinut agguagassarsiassaa inaarutaasumik naatsorsorneqarnera kingusinnerpaamik ukiup isertitsiviusup annaasaqaatit paasineqarfigisaata naanerani suliarineqassaaq.

#### *Iluanaarutisianit atuisinnaanermullu akiliutinit akileraarutinit annaasanik agguaaneq*

**§ 23.** Annaasaqaatit unerartitsisussaatitaasup iluanaarutinit atuisinnaanermullu akiliutinit akileraarutinit akiliinnginneratigut pinngortunik annaasaqaatit landskarsip nammassavai.

#### *Ernialersuinermit unitsitsineq*

**§ 24.** Akileraarutinit akiligassanik kinguaattoorutinit ernialersuinerup unitsinnissaanik aalajangiineq nalinginnaasumik pisinnaanngilaq

- 1) akiligassaqaqartuusup aningaasat tungaasigut atugarisai ilisimaneqanngippata, imaluunniit
- 2) akiligassaqaqtoq akiligassanut kinguaattoorutinit akilersuisimannngippat tamatumunnga periarfissaqarluarsimagaluarluni.

*Imm. 2.* Akileraarutinit akiligassanik kinguaattoorutinit ernialersuineq aallarteqqissaaq, akiligassaqaqartup aningaasat tungaasigut atugarisai sivisunerpaamik ukiut pingasut ingerlaneranni kinguaattoorutiminut akiliinissaanut periarfissaqaqartitsippata.

### **Kapitali 3**

#### Pineqaatissiissutit aamma atortuulerfia

§ 25. Kinaluunniit, piaaraluni imaluunniit soqqusaatsumik mianersuaalliornikkut §§-it 3 aamma 11, imm. 3-imik, unioqqutitsisoq akiliisinneqarnikkut pillarneqarsinnaavoq.

§ 26. Nalunaarut 1. januar 2007 atuutilerpoq.

Imm. 2. Ilutigitillugu siumoortumik nalunaarsuineq pillugu Inatsisartut nalunaarutaat nr. 3, 26. juni 1979-imeersoq aamma Akileraarutit akiligassat kommunit landskarsillu akornanni isumannaarneqartarneri pillugit Namminersornerullutik Oqartussat nalunaarutaat nr. 15, 15. juni 1995-imeersoq atorunnaarsinneqarput.

Kalaallit Nunaanni Namminersornerullutik Oqartussat, ulloq 1. december 2006

Josef Motzfeldt

/

Kaare Hagemann